

UNIVERZITET U SARAJEVU- FAKULTET ZA SAOBRAĆAJ I KOMUNIKACIJE
POSLOVNIK O RADU KOMISIJE ZA AKADEMSKI IZBOR

Na osnovu člana 123. st.(8) Zakona o visokom obrazovanju („Sl. novine Kantona Sarajevo” broj 36/22) i člana 256. st.(1) Statuta Univerziteta u Sarajevu broj: 01-14-35- 1/23 od 26.jula 2023. godine, Komisija za izbor nastavnika u zvanje docenta na naučnoj oblasti *Zrakoplovni saobraćaj*, puno radno vrijeme imenovana Odlukom Vijeća br: 01-3129/25 od 26.11.2025. godine, radi provođenja konkursne procedure za izbor akademskog osoblja, objavljenog dana 06.11.2025. godine, na konstituirajućoj sjednici održanoj 28.11.2025. godine, usvaja

POSLOVNIK O RADU KOMISIJE ZA IZBOR NASTAVNIKA U ZVANJE
DOCENTA NA NAUČNOJ OBLASTI ZRAKOPLOVNI SAOBRAĆAJ - 1
IZVRŠILAC

Član 1.

Poslovníkom o radu Komisije za izbor nastavnika u zvanje docent na naučnoj oblasti *Zrakoplovni saobraćaj* bliže se uređuju nadležnosti, način rada kao i druga pitanja od značaja za rad Komisije za izbor u akademska zvanja (dalje: Komisija) u postupku izbora jednog nastavnika u zvanje docenta na naučnoj oblasti *Zrakoplovni saobraćaj* na Univerzitetu u Sarajevu – Fakultetu za saobraćaj i komunikacije, u punom radnom vremenu, objavljenom konkursu od 06.11.2025. godine.

Član 2.

Rad Komisije se zasniva na načelima: zakonitosti, nezavisnosti, nepristrasnosti, objektivnosti, efikasnosti i javnosti.

Član 3.

U proceduri pripremanja prijedloga za izbora u akademska zvanja, Komisija postupa u skladu sa: Zakonom o visokom obrazovanju Kantona Sarajevo („Sl. novine Kantona Sarajevo”, broj 36/22; 28/25), Statutom Univerziteta u Sarajevu, broj: 01-14-35- 1/23 od 26. 07. 2023. godine, objavljenim konkursom u dnevnom listu „Dnevni avaz“ i na službenoj internet stranici fakulteta, te službenoj internet stranici Univerziteta u Sarajevu od 06.11.2025. godine, Odlukom Vijeća fakulteta o imenovanju Komisije za izbor jednog nastavnika u zvanje docenta na naučnoj oblasti *Zrakoplovni saobraćaj* br. 01-3129/25 od 26.11.2025. godine.

Član 4.

Nakon donošenja Odluke o imenovanju Komisije za izbor jednog nastavnika u zvanje docenta na navedenoj naučnoj oblasti stručna služba/sekretar Fakulteta predsjedniku Komisije dostavlja u pisanoj formi potvrdu o blagovremenosti pristiglih prijava na konkurs i broj prijavljenih kandidata sa naznakom zvanja za koje su se prijavili.

Stručna služba/sekretar Fakulteta prisustvuje konstituirajućoj sjednici Komisije radi otvaranju pristiglih prijava te konstatira potpunost (urednost) prijava u skladu sa uslovima konkursa o čemu izdaje odgovarajuću potvrdu koja čini sastavni dio izvještaja Komisije.

Član 5.

Komisija je obavezna da po primitku pristiglih prijava i dokumentacije: a) pregleda sve pristigle prijave; b) ispita još jednom formalno-pravnu ispravnost prijava (blagovremenost, potpunost, potpisanost), c) utvrdi ispravnost dostavljenih dokaza. Komisija je obavezna u skladu sa čl. 236

st.(6) Statuta Univerziteta u Sarajevu, u pravilu, u roku od 30 dana od dana imenovanja dostavi pisani Izvještaj sa prijedlogom za izbor u akademska zvanja, Vijeću Fakulteta. Komisija je dužna pridržavati se zakonskih rokova za pripremu, izradu i dostavu Izvještaja.

Član 6.

Na prvoj sjednici/konstituirajuća sjednica, Komisija je obavezna usvojiti Poslovnik o radu koji će urediti način rada i odlučivanja u skladu sa obavezama iz člana 256. Statuta Univerziteta u Sarajevu. Komisija je u svom radu nezavisna. Komisija donosi odluku većinom glasova. Član Komisije koji se ne slaže sa većinski donesenom odlukom može napisati izdvojeno mišljenje, ali ono ne može uticati na većinski prijedlog u vezi izbora.

Član 7.

Komisija će održavati sastanke uživo ili iskomunicirati elektronskim putem, s obzirom da je jedan član Komisije sa Sveučilišta u Zagrebu-Fakulteta prometnih znanosti. Konkursnu dokumentaciju će otvoriti predsjednik Komisije na konstituirajućoj sjednici. Konačni izvještaj sa prijedlogom će se dostaviti na protokol fakulteta potpisan od strane svih članova Komisije.

Član 8.

Izmjene i dopune ovog Poslovnika vrše se na sjednici Komisije.

Član 9.

Ovaj Poslovnik stupa na snagu danom donošenja i objavit će se na web stranici Fakulteta.

ČLANOVI KOMISIJE

Prof.dr. Muharem Šabić

Prof.dr. Muhamed Begović

Prof.dr. Tomislav Mihetec

Broj: 01-3195/25
Sarajevo, 28.11.2025

